

安化縣志卷二十八

列女

孝婦

明

劉氏一都王夢瑞妻夢瑞萬厯間拔貢厯官麗水縣丞昌平州判累遷修仁知縣方夢瑞之之官也家有老母欲絕裾去則情不忍欲板輿迎養又以道遠母有難色氏素順姑意曰姑不往氏將焉往不如氏與姑居夫夫有母而祿仕於外婦代夫而奉母於家職也氏為王氏子婦即母王氏子母氏自信能供婦職也子職一而已矣姑聞而心悅夢瑞宦遊十餘年氏

安化縣志

卷二十八

孝婦

一

居家侍奉邁姑凡飲食之旨甘晨昏之定省靡不細意周至姑偶有疾湯藥不躬親不以進疾甚則焚香祝天願以身代意常似重有憂者疾復初則亦復初人稱女孝子云

國朝

傅氏陳文昌妻適文昌時姑嬰重病卧牀褥幾不起氏入門屏去鉛華朝夕依病姑躬侍湯藥未嘗少離姑沒慟哭甚哀如久為陳氏子婦者姑遺子女幼撫字鞠育一身任之未幾翁娶繼姑視如前姑居無何翁亡繼姑亦相繼逝已而文昌又故氏時年方二十八家赤貧百計經營無所措盡出簪珥衣服變售殯

葬一子幼紡績送讀規繩自守不出閨門乾隆二年

旌通志府志周志

簡氏三都林德崇妻夫賈荊州翁病篤氏侍湯藥翁

思肉食割股進之病即痊乾隆二十五年旌通志周志

陶孝女名瓊姿父澍官京師女隨任年十三母病割

左腕肉和羹以進母頓愈嘉慶二十二年旌一統志通志

善化賀長齡陶孝女割股療母論古無割股之事始一見于魏書張密及唐陳藏器本草有以人肉治羸病之說於是割股療親之事遂不絕于天下夫療親復何可議而謂割股可以療之則其說非也意其時必有純孝之人遇其親病瀕危醫治百不效至於智盡慮窮無可奈何乃由至性迫為奇想以冀倖於萬有一然之天而天亦遂憐而甦之是其所以甦者割股之心而非割股之能甦也藏器不察其心而但據其迹直以為人肉可療疾耳而豈理也哉然自有此說後之人踵而行之往往而效者何也則亦惟其

安化縣志

卷二十八

孝婦

二

心而已而艱難激發宛轉成就而顯揚之者即天亦若有深意存焉嗚呼如陶孝女之割股以療其母其時才有十三齡耳母之病也其父若子皆在初不責其何以救療於十有三齡弱女也而孝女乃獨引為一憂至一再割其膚而不少畏縮此其孝思肫懇即割而始霍然也豈天亦故為是紆迴使得以極其誠孝之心之所至歟精誠不極則昭格不神發洩不奇則觀感不聳叔季人性澆漓天眞泯沒骨肉之親有路人視之而不白知其非者矣此如沉痾痼疾已入膏肓梁肉不食而不自知其非者矣此如沉痾痼疾已入耀其耳目而動盪其精神則亦何以砥柱中流迺狂瀾于既倒也哉而或者猶以為過而未概於中道夫孝如曾子於子輿氏僅許其可說者以為深得孝子之心子之於親則亦安有所謂過焉者先儒有言以李固杜喬自期猶不免為胡廣趙戒嗚呼人亦勉其所不及而可哉

陳氏常豐鄉龍在清繼室道光十二年以孝旌

吳氏常豐鄉監生龍虎榜妻端莊靜婉女誠夙嫻事

舅姑奉命維謹視寢問安柔聲怡色一棗一粟一衣
一履皆躬之逮事繼姑亦無異志居家務勤儉言動
皆有禮法與妯娌爭執役輒任其難者鉅者故恒得
舅姑歡舅姑寢疾衣帶不解湯藥必親迨沒哀毀盡
禮歲時祭奠情文備至終身敬順不衰壽七十二終
道光十二年旌

李氏常豐鄉龍來助妻性貞靜寡言笑事舅姑敬順
無違事無鉅細必咨白而後行甘旨之奉必躬必親
竭力承歡克全婦道卒年五十八歲道光十二年旌
瞿氏二都王成圭妻翁早卒姑性嚴家人少所當意
氏年十八歸王委曲承順姑意大適有不協姑意者

安化縣志

卷二十八

孝婦

三

皆爲調解舉室歡然後姑病瘳朝夕服侍十數年如
一日道光閒旌

周志

周氏二女一都人失其父名長名珍珍次名留留

旌冊

作康熙閒母亡父老奉養不字父沒築室山中繡佛

清齋以老

通志周志

同治四年旌

劉氏常安鄉劉萬容女生有異兆父鍾愛之母早故
自矢不字撫弱弟成立弟抱風病弟婦又亡遺姪有
道尙幼氏親提攜鞠育以快父心視膳問安無暇晷
壽八十終同治四年旌

蔡氏常安鄉蔡永序女幼字王未歸而夫故守貞不
嫁奉雙親數十年如一日壽七十四終同治四年旌

楊氏二都盧訓恭妻同治二年九月初八姑夏氏病危氏割左股肉和藥以進病立痊現年三十四歲同治九年旌

蔣氏三都庠生諶紹鴻繼室通志作紹鴻妻年三十三夫故

紡績事姑姑日瞽孝養益至子五撫之成立家規嚴

整門內肅然卒年八十六通志府志

蔡氏四都龔繼善妻孝婦也年九十餘卒子庠生啓

賢妻朱氏年二十四啓賢卒朱自經救之不甦啓賢

尸忽僵起呼之乃甦且謂之曰吾以老母及三子爲

託汝安可死言訖而尸踣朱泣受命以事姑撫子自

任子時習妻鄧氏時會妻朱氏時者妻劉氏皆年未

安化縣志

卷二十八

孝婦

四

三十而寡以節終通志周志

周氏常安鄉吳慶夏妻年二十夫故姑年老齒牙俱

落氏朝夕侍養哺以乳姑得延齡氏壽八十終孫曾

多列庠序通志周志

諶氏龔聖生繼室父綠野無子死葬藉氏力復爲父

送主入祠立碑墓所人稱孝女壽八十五終通志府志

周志

吳氏豐樂鄉廖介眉妻年十八于歸夫病腰疾氏奉

事惟謹夫喪時祖翁尙存氏孝事無間姑病癰疥躬

親沐浴夜同臥榻細意抑搔歷十餘年姑嘗語之曰

願汝子婦孝順如汝苦志課子得成立通志府志

賀氏一都蕭學華妻氏幼隨父遷陝西學華贅其家
年餘學華歸省母賀欲偕歸父不許賀遂割股肉并
製衣履付夫奉姑時姑適病學華烹肉進之姑竟愈
後學華攜賀歸事姑以孝稱通志周志

楊氏常豐庠生傅試妻夫早逝氏孝事九十姑甘旨
必躬親年逾七旬雖偶一飲膳不假手于婦輩一堂
五代內外肅然卒年九十一通志周志

廖氏常豐蕭良才妻少壯無出事舅姑孝姑得偏枯
病不能自食氏捧盥持箸食之委曲調停三十年如
一日後氏年五十良才六十氏忽孕得男名百一人
以爲孝感所致周志

安化縣志

卷二十八

孝婦

五

蔣氏常豐庠生李成生妻侍姑病衣不解帶歷久如
常姑沒恆痛哭不忘夫故時少子朝陽方五歲稍嬉
戲必攜至夫靈前泣責朝陽弱冠隸於學周志

張氏常安譚興讓妻姑梁氏病臥三年氏恪奉不衰
嘗曰得侍一日亦了一日之願姑卒涕泣不忘鄉人
重之周志

龍氏一都庠生王基妻徙居常豐氏性沈靜寡言笑
姑早逝夫貧遠館翁年七十五患風濕奉養事氏一
身任之能得翁心氏沒邑人吳堂輓以聯云懿德無

慚唐婦孝芳規不減鮑妻賢子章補弟子員周志
劉氏四都龔侯之妻性淑慎動遵禮法舅豪爽喜賓

客氏委曲承順得其歡心姑病牀褥十六年飲食起居竭力侍奉姑嘗謂氏曰汝如此孝順後必有以報汝年八十九子孫繞膝無病而終

周志

劉氏女一秀歸化鄉劉福貳女孝事父母終身不字
諶氏一都劉安連妻性孝母病劇割股以進

廖氏女六姑豐樂鄉廖文清女文清無子女誓不適人願以身代子職服勞終身女因門衰屢受外侮勸父繼娶生二子父故撫弟成立人多難之

王氏一都李秀古妻姑老甘旨親調姑患目疾氏侍左右不忍稍離數十年如一日

鄒氏四都謝位清妻翁姑偶病氏必禱於神禱輒愈

安化縣志

卷二十八

孝婦

六

知縣賈待價聞而嘉之以誠孝感神額旌其門年五十六終

張氏一都李兼全妻性好施與極孝敬嘗割股以醫親病壽九十七終

王氏一都賀銘清妻割股進父痼疾立痊

夏氏四都鄧萬鶴妻年二十九夫故姑患瘰癧氏以口舐之不數日而消

諶氏三都黃萃基妻二十歸諶姑病氏侍湯藥衣不解帶者數月姑痰咳氏以口承之及痊盥漱必親人皆稱之壽八十終

陳氏帶秀常安鄉陳廣順女廣順年七十九病甚醫

藥罔效帶秀割左手肉和饴烹以進父食之疾少減
月餘廣順故

羅氏歸化鄉劉福清妻年二十八生子應楠三月而
夫故氏性孝矢志養親撫孤應楠週歲殤翁姑憐之
繼撫姪應規為嗣未幾應規又夭氏雖悲慟猶以燕
語解姑憂也姑病醫罔效氏聞割股事欲效之姑知
怒乃止於是號泣禱祈願以身代不食不寢及愈乃
彊食每獨坐背燈傾淚姑問託以目疾其恐傷姑心
有如此

王氏三都賀英謙妻事翁以孝聞繼姑張氏患足疾
氏左右扶持視膳問安無昕夕間

安化縣志 卷二十八

孝婦

七

烈女

宋

張氏常豐人嘉定間遇賊蔡六脅以利刃欲汚之張

罵賊遇害一統志有司廉得其實正蔡六典刑帥相

魏公嘉其節令縣以禮具葬題其墓曰烈婦張氏府志

王豺狼攫人賊縱橫誰挾霜刃割柴局入室叫號如雷
周志 方清張節婦詩空山晦冥荆棘青
震家無僮石瓶甕空爾來我室何所營賊言貪爾顏
色劫爾肉模糊血色刀頭腥妾言爾賊臊羊并狗奴
我乃鴛鳳之匹儔銅腸鐵骨石肝膽肯與爾賊為并
頭胡不殺我速我死甯以頸血濺荒邱君不見桑林
貞女名羅敷又不見逆旅斷臂王家婦義不貪生受
汚辱山深無人救妾死寒風颼颼鬼夜哭珠沈璧毀
山為摧白日皎皎射幽獨要離三尺傍梅嶼至今宿
草留殘馥吁嗟乎三綱之寄五常繫賴爾羅裙之入
幅男兒反覆朝暮間
閩爾白汗淋羞顏

明

王氏三都張達妻府志縣志嘉靖元年八月達為流

賊所執欲并執王乃以首飾投賊得脫尋聞達被拷

幾死王泣曰夫死我何生為自沈池中死一統志府

志王志周志

殷氏名玉秀庠生簡尙文妻崇禎末舉家避賊於新

化之辜家砦賊擄殷脅以利刃殷大罵賊怒殺之子

挺方十歲伏尸側痛哭賊感其烈覆以土明年賊平

尙文攜挺覓尸不得邑人為詩弔之有紅顏殲綠野

白日冷青松之句通志府志周志

黃氏彭漢伯妻明末漢伯死於兵擄氏氏泣懇葬夫

安化縣志 卷二十八 烈婦 八

屍樹下許之挈其子從至京師乘間鳴冤遂自盡通志

府志周志

龔氏歸化鄉劉芳疎妻明末與女避兵至新化泊溪

橋遇賊恐汚母女赴水死採冊

國朝

譚氏段再鳳妻有盜夜入其家見譚獨臥欲汚之拒

不從仰藥死乾隆十二年旌通志周志

賀氏周宗望妻里人龔勝偏汚之不從被殺乾隆二

十四年旌司冊通志

吳氏晚秀通志常安鄉楓木林有賢之女幼字西

門王中發未歸而中發故女年二十聞之涕泣悲號

欲奔喪父母叱不許是夜編素自盡嘉慶十三年旌

邑人陶文毅澍澧州唐氏女貞節記附紀甚詳見印

心石屋文鈔陶文毅澍貞節記近歲吾邑有吳氏晚

欲奔喪不得則為位而哭其父母大怒以為不祥女

哭益慟則父母誦益厲女知必奪其節遂縊而死面

夫靈位身衷經也時先君子方以纂輯邑志入城聞

之泣告於令令亦泣旁坐者皆泣因使人詢其家其

父母益怒標使者出諸門謂女縊鬼未嫁而喪安用

節烈為於是乃據其夫家狀詳請旌典復以無資格

於司吏先君子病革時語及猶為流涕澍奉諱歸里

之次年言之於史栢溪方伯方伯惻然迭飭具狀歲

丁卯乃得彙題被旌

張氏一都黃崇仁妻年三十四夫死於虎張奮不顧

身手拉夫骸力與虎拒且叱且爭虎遂逡巡逸去聞

者莫不駭異道光十四年旌

安縣志卷二十八 烈婦 九

陶氏一都黃力釗妻陶文毅澍姪女年及笄觀察黃

德濂攜姪力釗北上且為完昏于歸後同赴京師不

數載力釗沒於都氏數千里扶櫬歸視窀穸畢撫夫

兄子正基承祧即絕粒而亡道光十四年旌

張氏三都謝隆俊繼室隨子道宗僑居湖北漢鎮咸

豐王子七月髮賊焚掠氏殉難奉旌入湖北北昭忠

祠

廖玉秀常安鄉廖貴禮女字劉未歸父母早故玉秀

撫妹一弟一內外謹潔年二十三有無賴子某造謠

思汚之玉秀憤激自斃事聞上臺得昭雪寘某於法

玉秀奉旌入節孝祠

李氏常安譚鍾簡妻年十九未歸而簡故女聞悲泣
父母勸慰不止忽一日有長尾鳥自窗入繞女飛女
泣曰此兒夫來迎也遂自縊同治四年旌

譚氏常安鄉殷定燦妻年二十一夫故氏號痛氣絕
合家救之始蘇殮畢自盡張目不瞑翁安權從旁泣
慰之曰必爲汝撫子承祧目始瞑同治四年旌

謝氏常安鄉梁治怡妻年二十而寡無出屢欲雉經
姑勸乃止終夫喪而亡同治四年旌

譚氏常安鄉梁治邦妻夫故無所出氏守志守義紡
績度日父母憫其志商於姑欲奪之強之歸省暗約
媒媪往來待事成而告之一日媪語移時有幼妹語

安化縣志

卷二十八

烈婦

十

之曰女知媪之來乎固詰之以情告氏手刀自剄時
年三十歲族人憐之爲撫其夫弟一子承祧同治九
年旌

楊氏龔祥立妻順治四年丁亥闖賊餘黨牛有勇擄
掠境內見氏追逐之氏急呼曰吾不可辱也奮身躍
巖下胸腹俱裂氣未絕兵去夫至氏曰君勿扶我當
有言相訣夫痛哭急扶之腸出而死鄉人號其地曰

烈婦巖

通志府志

李氏常豐李逢槐女幼字郭未歸聞夫訃誓不二夫

投繯殉節

通志周志

瞿氏名環貞二都庠生王价修妻

通志作王价

年十九爲

滇寇所擄過善溪渡躍入溪賊引髮援之奮身脫其髮沈水死賊掛其髮於樹家人取髮葬之通志 周志 府

姚氏常豐喻厯山妻年二十歸喻家貧無怨言夫病令其改嫁氏曰夫存與存夫亡與亡夫沒之日投繯

以殉周志

黃氏豐樂鄉張裔百妻案裔百號又思周志 別載又思妻黃氏誤 嫁一年

而家病疫黃侍湯藥滌穢污不踰旬翁姑及夫相繼

沒時祖翁年邁有議改嫁者祖翁為所動黃泣辭歸

母家當夜赴池死通志 周志 府

李氏二都王潤妻年十六歸王未踰年潤死氏泣血

絕粒而卒通志 周志

安化縣志 卷二十八 烈婦 十一

鄧氏士可女蔣期林妻伉儷甚篤期林死以身殉

王旺秀常豐鄉王中玉女幼字黃德秀未于歸黃病

且篤女欲往侍湯藥中玉不許人或令中玉廢盟旺

秀誓以死無何黃訃至旺秀陽為不聞越夕沐浴更

縞素自經時年二十三歲聞者莫不隕涕邑人高詠

為作烈女行王誥為之跋誥子汲亦有傳高詠烈女 行生於王

締於黃女年長男病延繩纜繫足足竟傷見說哥哥

行不得鷓鴣聲慘斷柔腸朝織素暮焚香即足能瘳

無深閨幾度叩彼蒼彼蒼夢寐寂無語妾心中夜起

徬徨朝擲金釵卜暮繡鏡聽囊郎足可瘳無庭婦幾

度問阿娘阿娘慘似無言妾之終身何所望日復 日年復年女年二十三郎足猶未痊一心祇冀跛能 履妾心自盟古井水鵬鳥誰知兆不祥傳說黃郎奄 忽死郎生未加餐郎死未撫棺妾之命薄乃如此為 郎惻惻傷心肝首兮素巾身兮素衣郎去應未遠黃 泉可相定一條白練牀頭繫願與郎魂化作鴛鴦比

翼飛翮作比翼鳥難為反哺焉父兮莫悲痛母兮莫
 欲獻兒為網常計來生報勤叨嗚呼噫嘻此事甚奇
 深閨寂寞不識黃郎面目作斷其詩俟探風者嗚呼
 如斯如斯殉夫古來亦寡我採風者王誥烈女行
 大書其事播歌謠他年誰是採風者王誥烈女行
 跋右烈女行高亦園茂才詠為吾族澤塘未嫁女旺
 秀作也旺秀父中玉母羅氏幼字大棚黃孔書子德
 秀既而婿病足不良於行女為長齋禱於神詔罔效
 且篤女欲往待湯藥父母不計時兩家皆赤貧或以
 悔盟諷中玉母心動黃亦以子疾之卒不可為而憐
 女之無歸也唯中玉意是聽女哀泣不可道光二年
 壬午十一月十一夜婿凶問至女若為不聞者父母
 不以為意十三夜半沐浴更縞素手自縫紉遂自經
 也時年二十三聞者莫不哀之然亦無有能以其事
 上聞者戊申余客宗人正顏正達所顏女同四世祖
 弟里居故雅與女近遂具為余述女烈狀且出高詩
 讀之并言女幽閒婉婉事父母孝羣居終日若不能
 言卒不意其臨大義能從容自盡如此余為感歎久
 之因念女生長窮僻之鄉目不識詩書豈知有所謂
 古人節義之事而父母又幾奪於流俗之見而與黃
 雖通媒妁為兄弟究未嘗有一夕堂著之雅牀第之
 親而徒以名義所關竟屹然引決不復有纖毫回旋
 顧視與詩書所稱道訖無少異此其貞毅之性豈不
 裂金石而泣鬼神哉夫以女之堅白自持非不欲以
 幽閨女稱未亡人為黃氏竟數尺孤以報所天於地
 下然父母既已中變而黃氏又徒四壁立勢必以妾
 婦弱息為累及至割耳截鼻以彰父母之過而重傷
 黃氏之心卒亦無可奈何而終不能出於一死女蓋
 籌之熟矣人或謂女僅許纒未及親迎猶不得為婚
 姻不為黃也婦者則不得為黃也死嗚呼是說也歸
 熙甫蓋嘗言之國初汪堯峯於宋烈女事辨論特
 詳固有不容待余言者且古人於朋友之誼一物既已
 心許雖死而不悔必服以殉况許以終身者乎此女
 之所以為烈非世俗所得而擬議也事隔二十餘年
 傳道漸衰而高詩又無梓集余恐女之無傳也因取
 高詩稍為潤數字并綴其崖畧於此俾顏達藏之
 俟後之採風能表揚女者出焉王汲烈女傳并論
 邑常豐鄉王氏女字黃氏其夫十二歲病廢癩其翁
 來告女父曰吾兒病廢恐累若女請另字父以告女
 女曰若病甯不愈乎盍聽之起二年翁又持昏書來
 曰吾兒病如故此書不可久留矣父以告女女曰背
 盟不祥人有疾而棄之不義果廢也亦終事之至死
 無所悔翁聞之不復能發語垂涕袖書而去未幾病
 篤女白母請往視之母心知非禮而重違女意相距

故不遠乃率之往其夫久聞女之貞烈意良感激至則張目視淚霰霰落枕簟有聲女俛首引帶悲硬不語母促之行乃歸翼日以訃聞女不哭母察其意甚傷令家人行坐隨之女言笑自若不為意一夕乘間自縊死衣履編素年方二十三歲云論曰烈女家世業農其死也鄉里汲汲稱嘆有泣下者而其父茫然不知為何事醴泉無源芝草無根信矣予觀有明末造士大夫隱忍偷活者亦已眾矣而山野之人目不睹詩書口不談忠義一旦國破君亡慷慨激發而死者相望也是其人非有君臣之義皆可以不死然竟為婦也斯尤足以風天下歟

歐陽氏常安鄉歐陽友三女許字柳氏子未嫁而柳

卒年十八誓志守貞及父母亡親屬議別字女聞之

妝沐自經死

通志周志

劉氏一都陶淑元妻年二十二夫故誓以身殉號泣

終年嘔血而逝

安化縣志

卷二十八

烈婦

三

李氏二都庠生李雲鶴女幼字楊蘭譜未于歸而蘭

譜故氏聞訃臥數日不起誓不欲生縞素暮年仰藥

自盡楊家憐其烈迎與蘭譜合葬焉

劉氏常豐鄉橫岩頭蕭在家妻年十九夫遠貿有強

暴某涎其貌欲污之氏厲色拒再三不從一日氏偕

幼弟歸省某挾刃要於路覲覲脅合氏拒益力某孕

恨加以刃氏厲聲曰婦人當為節義鬼任碎身萬段

竟被害身冒七刃猶罵不絕口而死後鳴大吏將某

抵罪以頭懸死地示眾人咸快之

貞女

明

賀貞女一都賀守節女性至孝父死誓不適人獨處
小樓紡績以奉其母卒年八十五有司旌其門

舊志

龔貞女常豐鄉龔仕常女年十四許字李信信卒議

以信弟續婚女誓死不從年七十五終於室

湖廣通志 府志

張貞女世秀歸化鄉大福坪張廷誥女母李氏無子

年十四父沒母欲許字世秀誓守貞侍養朝夕不離

左右者十年母故世秀痛絕復蘇旋茹素搆茅庵木

瓜溪誦經修煉人鮮見其面壽九十終葬黃茅崙至

今青冢猶存後人哀之修其菴曰老女菴表其墓曰

安化縣志

卷二十八

貞女

十四

貞女墓

採冊

國朝

譚貞女常豐人失其父名守貞不字勤儉終身乾隆

二十一年旌

通志 周志

熊貞女名石蘭常豐鄉庠生章女幼受同里夏盛普

聘普故貞女誓不再字依母為命坐臥不離未幾母

故貞女鬱鬱成疾數月亦故時年十九歲陶文毅澍

聞其事書貞烈二字褒之道光十年旌

廖貞女幼字一都庠生黃德培年二十一未歸德培

故聞訃即縞素父母勸再字輒泣下以死誓獨處小

樓四年一夕夢夫至次日無疾而逝遺囑與夫合冢

夫弟德遇迎葬以第六子承其祧道光十四年旌
盧貞女名靜坤二都人幼字夏開第年十七未歸而
夫故女聞訃痛哭幾絕矢志守貞坐臥一小房足不
踰閫數十年如一日年四十二卒同治四年旌
蔣貞女許字一都李志倫年十九未于歸而夫故號
泣奔喪有二姪願撫一以承祧姪尋卒矢死靡他守
貞七十四年卒年九十三同治四年旌

王貞女許字一都李隆琬年十八歲隆琬故聞訃感
疾守貞不字居母家七年二十五歲卒同治四年旌
黃貞女正鳳一都黃立崑女幼字三都謀松茂子松
茂子故女年十五守貞不字父母欲爲議婚遂感疾

安化縣志

卷二十八

貞女

五

卒時年二十六歲同治四年旌

龍貞女常豐監生龍在江女幼字劉某劉某隨父往
秦久無耗後聞沒於秦女乃易縞素截髮髻面矢貞
不再字父母哀其志遂不之強女爲人言笑不苟終
日坐深閨家人罕見其面嘗侍母病不解衣而寢者
四年知縣趙宗武以苦節貞心表其門壽六十有九

終

通志
周志

闕貞女名益桂常豐節婦盧氏女字袁氏子未嫁而
袁天益桂曰吾祖母以節孝著母以無嗣守吾何爲
獨不然因翦髮自誓年四十六以貞女終

通志
周志

鄧貞女歸化鄉通溪鄧勝序女年十六未字母病雙

目瞽氏矢志侍奉起居飲食未嘗左右離母屢難之
氏泣曰母在一日即報母一日也願守貞無以易及
母沒氏年已三十二矣終身不字益勵冰操年八十
終通志
周志

楊貞女歸化鄉大溪楊貝能女以親老貧病守貞不
字刺繡供養親沒服素茹齋年五十五卒通志
周志

梁貞女常安鄉梁友華女守貞不字出貲修橋名妹
子橋通志
周志

王貞女七姑一都慶陽坪王德新女父沒時女年十
四弟甫三歲矢志不嫁撫弟成立晚年積餘貲修橋
名七姑橋年七十無疾終通志
周志

安化縣志 卷二十八

貞女

夫

王貞女換玉一都王國幹次女幼字龍塘黃德被德
被外出莫知所往父母欲改字不從守貞而卒通志
周志

黃貞女姜玉一都黃白林女幼字盧氏子未嫁而盧
卒在室六十八年終通志
周志

龔貞女四都龔魁南女字張氏子張出外三十餘年
父母欲改適女曰張固負我我不負張守貞不字以
全此心獨居一室紡績資生雖至親罕見其面以貞

女終通志
周志

夏貞女端姑五都夏泮友女許字劉氏子未嫁而劉
卒女年十八守貞不字孝親撫弟積貲修湖尾市義
渡年六十餘終通志
周志

夏貞女勝姑五都夏殿才女許字劉世鵬未嫁而世鵬卒詣劉守志撫姪為世鵬後年七十餘終通志周志

劉貞女常安庠生劉昭昂女許字譚仁全通志譚仁誤未

嫁仁全往蜀氏守貞以待後姑老而貧氏往日以紡

績奉養姑卒居喪致哀壽六十終通志周志

梁貞女常安梁吏宗女許字謝昌元未嫁而昌元卒

守貞四十七年終通志周志

王貞女二都王奇才女許字瞿縉未嫁而縉卒守貞

終身通志周志

廖氏豐樂廖實公女幼字吳某吳死女請往終喪父

不允女決意守貞終身不字日事紡績孝養父母兼

安化縣志 卷二十八 貞女 七

為昆弟摒擋家政歷四十年卒通志周志

黃貞女六秀歸化鄉黃斐之女及笄許字張士夫士

夫病數年將不起有以退婚相商者斐方瞿然六秀

從旁掩泣曰夫病不得近侍心已摧矣倏而背之不

忍為也有死勿二客慚而退次日聞訃六秀素服三

年遂守貞焉

姚貞女紹秀歸化鄉姚仁孫女許字李氏子未嫁而

夫故紹秀聞之嚔淚吞聲目不交睫者數旦夕父母

慰解之憐其年少微示他字意紹秀厲聲曰夫君地

下莫與俱死不義也死而背之不仁也遂薙髮守貞

雖至親莫謀一面結菴瓦子坪終日誦經年九十無

疾而終

陳貞女名王桂常安鄉陳家光女守貞不字四十九歲卒

吳貞女常安鄉吳朝贊女守貞不字五十二歲卒

蔣貞女常安鄉蔣彩雲女幼字某未歸而夫故矢志不二事生母撫弱弟茹苦自甘忽一夕中痰而卒

張貞女常安鄉張自箕女幼字某未歸而夫故女始聞欲自刎繼乃矢不再適父母嘉其志許之生平勤紡績足不出戶及親喪痛哭哀毀不逾月而卒

李貞女梅秀豐樂鄉白元女守貞不字建橋曰美女以自明志曰橋壞則我心不堅今溪水橫流漢激橋

安化縣志

卷二十八

貞女

七

峙如故人咸以梅秀與石同貞云

王貞女玉英二都王國一女幼字夏德昇年十五未歸而德昇故女聞訃悲痛不欲生矢不再字守貞三年而卒

黃貞女名桂香明佳女幼字廖未嫁而夫故父母令改適誓不二天居家五十三年而卒

鄧貞女冕秀四都鄧性魁女年及笄見弟幼穉且孺白父母矢不字助之撐持家政以終餘年壽七十卒

梁貞女閨香常安鄉庠生梁銀女幼字新化縣謝昌元未婚而昌元卒守貞終身年四十七卒

寶慶府志

夏貞女日姑五都夏良海女守貞不字年六十四終